



Vogošća, ul. Jošanička, br. 80; tel: 00387 33 586 413, fax: 586 418

Broj: 03-19-1508/22
Vogošća, 21.10.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 21.10.2022. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA SANACIJI
OPĆINSKIH POSLOVNIH PROSTORA U UL. SKENDERA KULENOVIĆA BROJ 65**

Član 1.

Ponuda ponuđača "Sela" d.o.o. Sarajevo, ulica Rajlovačka cesta broj 31. Sarajevo, odabrana je za izvođenje radova na sanaciji općinskih poslovnih prostora u ul. Skendera Kulenovića broj 65, kao jedina formalno-pravno ispravna ponuda, sa ponuđenom ukupnom cijenom nabavke u iznosu od 9.007,69 KM bez uračunatog PDV-a, odnosno 10.539,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 19.09.2022. godine donio Odluku o pokretanju Otvorenog postupka nabavke radova na sanaciji općinskih poslovnih prostora u ul. Skendera Kulenovića broj 65, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 20.09.2022. godine pod brojem: 1353-1-3-163-3-189/22. Sažetak Obavještenja o nabavci objavljen je u "Službenom glasniku BiH" broj: 64/22 od 23.09.2022. godine.

Tendersku dokumentaciju sa Portala javnih nabavki BiH je preuzelo 13 (trinaest) ponuđača. Krajnji rok za dostavu ponuda bio je 18.10.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 18.10.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-19-1508/22 iz septembra 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Sela" d.o.o. Sarajevo	9.007,69	/	/	10.539,00
2	"Kolak" d.o.o. Sarajevo	12.632,50	/	/	14.780,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Kolak" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 8.1.4.TD je propisano da se Ponuda izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata. Dijelovi ponude kao što su uzorci, katalozi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav 6. i 7. Uputstva za pripremu modela tenderske dokumentacije i ponuda.

Ponuđač "Kolak" d.o.o. Sarajevo nije dostavio ponudu na naprijed propisani način, tj. dostavljena ponuda je spojena običnom spajalicom u gornjem lijevom uglu, dakle ista nije čvrsto uvezana, a što prema mišljenju iznesenom u Rješenju Ureda za razmatranje žalbi BiH-Filijala Mostar broj: JN2-03-07-1-929-8/19 od 23.05.2019. godine ne predstavlja čvrsto uvezivanje, na način da se onemogući naknadno vađenje ili umetanje listova, propisano članom 58. stav 2. Zakona o javnim nabavkama BiH i članom 8. stav 2. Uputstva za pripremu modela tenderske dokumentacije i ponuda.

U skladu sa prethodno navedenim mišljenjem Ureda za razmatranje žalbi BiH-Filijala Mostar pod čvrstim uvezom podrazumjeva se ponuda ukoričena u knjigu ili ponuda osigurana jamstvenikom.

Ponuđač "Kolak" d.o.o. Sarajevo je također propustio da numerise stranice svoje ponude kako je propisano odredbama člana 8. stav 6. i 7. Uputstva za pripremu modela tenderske dokumentacije i ponude.

- Tačkom 7.1.2. TD je propisano da su ponuđači u svrhu dokazivanja lične sposobnosti morali u ponudi dostaviti Izjavu ovjerenu od strane nadležnog organa (organ uprave ili notar), u formi koja je prilog-Aneks 3 TD.

Ponuđač "Kolak" d.o.o. Sarajevo je u svojoj Ponudi dostavio Izjavu-Aneks 3 TD koja nije ovjerena od nadležnog organa (organ uprave ili notar) već je istu samo ovjerio svojim pečatom.

- Tačkom 7.2.1. TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke. U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa

predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač "Kolak" d.o.o. Sarajevo u svojoj Ponudi nije dostavio dokaz za obavljanje profesionalne djelatnosti.

- Tačkom 8.2.1. TD je propisano da su ponuđači u ponudi dužni dostaviti pismenu Izjavu iz člana 52. Zakona o javnim nabavkama BiH ("Službeni glasnik BiH" broj 39/14), sačinjenu i popunjenu u skladu sa šemom koja je data u Aneksu 4. TD, potpisanu od strane ponuđača i ovjerenu i potpisanu od strane nadležnog organa (sud, notar ili općina).

Ponuđač "Kolak" d.o.o. Sarajevo je u svojoj Ponudi dostavio Izjavu-Aneks 4 TD koja nije ovjerena od nadležnog organa (organ uprave ili notar) već je istu samo ovjerio svojim pečatom.

- Tačkom 7.4.1. pod a) TD traženo je da je ponuđač u posljednjih 5 (pet) godina računajući od dana podnošenja ponude, kao izvođač radova realizovao minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 6.000,00 KM bez uračunatog PDV-a ili više pojedinačnih ugovora u ukupnom zbiru od 6.000,00 KM bez uračunatog PDV-a. U svrhu dokazivanja ispunjavanja uslova iz tačke 7.4.1. pod a) TD ponuđači su bili dužni u ponudi dostaviti spisak izvršenih ugovora u ukupnom iznosu od 6.000,00 KM bez PDV-a u posljednjih 5 (pet) godina računajući od dana podnošenja ponude-referenc listu, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ponuđač "Kolak" d.o.o. Sarajevo u svojoj Ponudi nije dostavio zahtjevanu Referenc listu kao ni Potvrde o uredno izvršenim ugovorima.

- Tačkom 7.4.1. pod b) TD, a u skladu sa članom 51. Zakona od ponuđača su zahtjevane obrazovne i profesionalne kvalifikacije lica koja su angažovana na izvođenju konkretnih radova i to između ostalih da ponuđači imaju na raspolaganju i 1 (jedno) lice koje ispunjava uslove za obavljanje poslova pregradnika (poslovođe) građevinske struke, minimum IV stepen stručne spreme kao i 1 (jedno) lice, SSS ili VŠS građevinske struke-III ili V stepen (KV ili VKV radnik građevinske struke). Tačkom 7.4.2. pod b) TD je propisano da su ponuđači bili dužni u ponudi dostaviti sljedeće pismene dokaze i to između ostalog za 1 (jedno) lice koja ispunjava uslove za obavljanje poslova pregradnika (poslovođe) građevinske struke, minimum IV stepen stručne spreme potrebno je bilo dostaviti Diplomu/Svjedočanstvo o završenoj traženoj stručnoj spremi i dokaz o radnom angažmanu, te za 1 (jedno) lice, SSS ili VŠS građevinske struke-III ili V stepen (KV ili VKV radnik građevinske struke) potrebno je bilo dostaviti Diplomu/Svjedočanstvo o završenoj traženoj stručnoj spremi i dokaz o radnom angažmanu.

Ponuđač "Kolak" d.o.o. Sarajevo u svojoj Ponudi nije dostavio ni jedan od traženih dokaza za osoblje iz tačke 7.4.1. pod b) TD.

- Tačkom 8.2.1. TD je propisano da ponuda mora da sadrži sljedeće elemente i to između ostalih i Sadržaj ponude-ponunjen, potpisan i ovjeren pečatom ponuđača-Aneks 8.

Ponuđač "Kolak" d.o.o. Sarajevo u svojoj Ponudi nije dostavio zahtjevani Sadržaj ponude.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Sela" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Sela" d.o.o. Sarajevo, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da je Ponuda ponuđača "Sela" d.o.o. Sarajevo sa ukupnom ponuđenom cijenom u iznosu od 9.007,69 KM bez uračunatog PDV-a, prelazila procijenjenu vrijednost nabavke koja iznosi 8.547,01 KM bez uračunatog PDV-a, Komisija za javne nabavke je dana 20.10.2022. godine zatražila izjašnjenje od nadležne Službe da li može obezbijediti razliku sredstava u iznosu od 460,68 KM bez uračunatog PDV-a za realizaciju predmetne nabavke.

Služba za privredu, integrisani lokalni razvoj i društvene djelatnosti se aktom broj: 03-19-1508/22 od 20.10.2022. godine očitovala da će moći obezbijediti razliku nedostajućih sredstava za realizaciju predmetne nabavke.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Sela" d.o.o. Sarajevo, za izvođenje radova na sanaciji općinskih poslovnih prostora u ul. Skendera Kulenovića broj 65, kao jedine formalno-pravno prihvatljive ponude, sa ponuđenom ukupnom cijenom nabavke u iznosu od 9.007,69 KM bez uračunatog PDV-a, odnosno 10.539,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



OPĆINSKI NAČELNIK


Edin Smajić

Dostavljeno:

1. "Sela" d.o.o. Sarajevo
2. "Kolak" d.o.o. Sarajevo
3. Nadležnoj Službi
4. U dosije
5. a/a

033/592-005
stolarijakolak@gmail.com